

Referensia pa *Material i Tarea pa Reunion Nos Bida i Sirbishi Kristian*

1-7 DI NOVÈMBER

TESORO DI E PALABRA DI DIOS | HOSUE 18-19

“Yehova A Distribuí e Tera na un Manera Sabí”

it-2-S 238 §1

Límite

Ta parse ku distribushon di tera entre e tribunan tabata basá riba dos faktor: tiramentu di lòt i e tamaño di e tribu. Probablemente, e lòt tabata determiná mas o ménos unda kada tribu lo a bai, sea nort, zùit, ost òf wèst di e tera, na sabana kant’i laman òf band’i seru. Komo ku e desishon tabata bini di Yehova, esei tabata evitá yalursheit i pleitamentu entre e tribunan. (Pro 16:33) Yehova por a kontrolá e resultado di e tiramentu di lòt. Pues, e por a hasi sigur ku e lugá kaminda kada tribu a ser asigná tabata kuadra ku e profesia ku e patriarka Yakòb a duna riba su kama di morto. Nos ta haña e profesia akí na Génesis 49:1-33.

it-1-S 1120 §2

Herensia

Tera Heredá. E yunan di Israel tabata haña nan herensia for di Yehova, kende a bisa Moises unda e frontera di kada teritorio lo tabata. (Num 34:1-12; Hos 1:4) E yu hòmbènan di Gad, e yu hòmbènan di Ruben i e mitar tribu di Manases a haña nan teritorio for di Moises. (Num 32:33; Hos 14:3) E restu di e tribunan a risibí nan herensia for di Hosue i Eleazar pa medio di tiramentu di lòt. (Hos 14:1, 2) Di akuerdo ku e profesia di Yakòb na Génesis 49:5 i 7, Simeon i Levi no a heredá un teritorio separá meskos ku nan rumannan. E teritorio ku Simeon a heredá (kual tabata inkluí algun stat) tabata den e teritorio di Huda. (Hos 19:

1-9) Levi a haña 48 stat ku tabata keda den diferente parti di e teritorio di Israel. Komo ku e levitanan a risibí un asignashon spesial pa sirbi na e santuario, Yehova a bira nan herensia. Nan tabata risibí diesmo komo nan porshon òf herensia a kambio di nan sirbishi. (Num 18:20, 21; 35:6, 7) Famianan tabata haña asignashon denter di e teritorio di nan tribu. Segun ku e famianan tabata krese i e yu hòmbènan tabata haña herensia, e tera tabata ser dividí den parti mas i mas chikitu.

it-2-S 238 §2

Límite

Despues ku nan a determiná e lugá geográfiko di e tribu, a base di e tiramentu di lòt, nan mester a determiná te unda e tera di kada tribu lo tabata. Nan tabata hasi esei a base di e di dos faktor: e tamaño di e tribu. “Boso mester heredá e tera pa medio di lòt segun boso famianan; esnan mas grandi boso mester duna mas herensia i esnan mas chikitu boso mester duna ménos herensia. Kaminda lòt kai pa kada un, esei lo ta di dje. Boso mester heredá conforme e tribunan di boso tatanan.” (Num 33:54) E desishon ku a ser tumá pa medio di lòt enkuanto e lugá geográfiko di e tera no tabata kambia, pero por a hasi ahuste sí na tamaño di e tera ku nan a heredá. Pues, ora e tera ku tabata asigná na e tribu di Huda a resultá di ta muchu grandi, a asigná un parti di e tera ei na e tribu di Simeon.—Hos 19:9.

Hoya Spiritual

it-2-S 238 §5

Límite

E relato di e distribushon di e teritorio wèst di Hordan ta mostra ku a tira lòt promé pa determiná unda e teritorio di e tribu di Huda (Hos 15:1-63), Yosef (Efraim) (Hos 16:1-10) i e mitar tribu di Manases (Hos 17:1-13) lo tabata.

Despues a determiná nan límite òf frontera i a numerá e statnan. Despues di esei ta parse ku nan a stòp di dividí e tera pa un tempu, pasobra e kampamentu di Israel a muda di Gilgal pa Silo. (Hos 14:6; 18:1) Beibel no ta menshoná pa kuantu tempu nan a stòp ku e distribushon di e tera, pero eventualmente Hosue a reprendé e shete tribunan ku a resta pasobra nan a tarda pa poderá di e restu di e tera. (Hos 18:2, 3) Tin hopi splikashon dikon e shete tribunan a tarda asina tantu pa konkistá e tera. Algun komentarista a menshoná dos motibu ku por a pone ku e israelitanan no tabata sinti e urgensia pa poderá di e teritorionan ku a keda: (1) E kantidat di botin ku e israelitanan a haña durante nan konkista i (2) e libertat ku nan tabatin komo ku nan no tabata kore peliger ku e kananeonan lo a bin ataká nan. Algu mas ku por a kontribuí na e aktitut di e israelitanan tabata e echo ku nan no tabata ègt dispuesto pa enfrentá e enemigunan fuerte ku a resta den e tera. (Hos 13: 1-7) Ademas, kisas nan konosementu di e parti aki di e Tera Primintí no tabata mes tantu ku nan konosementu di e parti ku ya a ser distribuí.

8-14 DI NOVÈMBER

TESORO DI E PALABRA DI DIOS | HOSUE 20-22

“Kiko Nos Por Siña di un Malkomprondementu?”

w08-S 15/11 18 §5

“Sigui Buska Pas”

Kisas algun israelita a pensa ku tabatin suficiente prueba pa lansa un atake kontra e tribunan na otro banda di Hordan i ku un atake di sorpresa lo a resultá den ménos morto. Sinembargo, en bes di aktua lihé, e tribunan wèst di Hordan a manda algun di nan hende-

nan pa bai papia tokante e asunto ku nan rumannan. Nan a puntra nan rumannan: “Ta kiko e akto infiel aki ta ku boso a kometé kontra e Dios di Israel, ku awe boso a bira bai i a stòp di sigui [Yehova]?” En realidat, e tribunan ku a traha e altar no tabata infiel. Pero, kon nan a reakshoná riba e akusashon? Nan a zundra nan rumannan òf nan a keda sin kontestá nan? Nò, e tribunan ku a ser akusá a kontestá na un manera suave, i nan a splika ku e motibu ku nan a traha e altar tabata pa sirbi Yehova. Nan kontesta a protehá nan relashon ku Yehova i a salba bida di hende. Komo ku nan a keda kalmu, nan a resolvé e asunto i a mantené pas.—Hos. 22:13-34.

Hoya Spiritual

it-1-S 408 §4

Kanan

Aunke ku hopi kananeo a sobrebibí e konkista i no a kai bou di dominio di e israelitanan, tòg nos por bisa ku “SEÑOR a duna Israel henter e tera ku el a hura di duna nan tatanan,” el a duna nan “sosiegu na tur banda” i “ni un di e bon promesanan ku SEÑOR a hasi na e kas di Israel no a faya; tur a keda kumplí.” (Hos 21: 43-45) E nashonnan enemigu rònt di e israelitanan no tabata un menasa, pasobra nan tabatin miedu di e israelitanan. Mas promé, Dios a bisa ku lo e kore ku e kananeonan “pokopoko” pa asina e tera no bira desolá i e bestianan di mondi no bira muchu hopi. (Éks 23:2 9, 30; Deu 7:22) Apesar ku e kananeonan tabatin mihó ekipo di guera, inkluso garoshi di heru, ningun di e biahanan ku e israelitanan a pèrdè un bataya no tabata pasobra Yehova no por a kumpli ku su promesa. (Hos 17:16-18; Hue 4:13) En bes di esei, Beibel ta mustra ku e biahanan ku e israelitanan a pèrdè bataya ta pasobra nan tabata infiel.—Num 14:44, 45; Hos 7:1-12.

15-21 DI NOVÈMBER

TESORO DI E PALABRA DI DIOS | HOSUE 23-24

“E Último Konseho Ku Hosue A Duna e Nashon di Israel”

it-1-S 89

Aliansa

E situashon tabata diferente ora Israel a drenta Kanan, e Tera Primintí. Dios Soberano a duna e nashon di Israel henter e tera meskos ku el a primintí nan antepasadonan. Pues, nan lo no a drenta Tera Primintí manera estranhero, i Yehova a bisa nan ku nan no tin mag di sera aliansa ku e nashonnan pagano di e tera. (Éks 23:31-33; 34:11-16) E israelitanan lo mes- ter tabata sumiso solamente na Dios su lei- i statutonan i no na esnan di e nashonnan ku lo a ser saká for di e tera. (Lev 18:3, 4; 20: 22-24) Nan a haña spièrtamentu spesífiko pa no sera aliansa matrimonial ku e nashonnan ei. E tipo di aliansanan ei lo no a pone nan djis kasa ku muhé pagano pero nan lo a haña nan den kompania tambe ku e famianan pagano di nan esposa. Ademas, nan lo a ser eksponé na práktika i kustumber di religion falsu. Tur esei lo a hiba na apostasia i lo el a resultá di ta un trampa pa e israelitanan.—Deu 7:2-4; Éks 34:16; Hos 23:12, 13.

13-19 DI DESÈMBER

TESORO DI E PALABRA DI DIOS | HUES- NAN 8-9

Hoya Spiritual

it-1-S 763 §6

Efot, I

Aunke Gideon a traha e efot pa kòrda e vikto- ria ku Yehova a duna Israel i pa duna onor na Yehova, e efot “a bira un trampa pa Gideon i

su kas,” pasobra e israelitanan a kometé inmo- raldat spiritual ora nan a adorá e efot. (Hue 8:27) Sinembargo, Beibel no ta bisa ku Gideon mes a adorá e efot, al kontrario, Apòstel Pa- blo a menshoná su nòmber spesífikamente den e ‘nubia grandi’ di sirbidó fiel di Yehova ku a biba promé ku Kristu.—Heb 11:32; 12:1.

20-26 DI DESÈMBER

TESORO DI E PALABRA DI DIOS | HUESNAN 10-12

“Yefta—Un Hòmber Spiritual”

it-2-S 25 §5

Yefta

Yefta, un hòmber di akshon, no a pèrdè tempu pa kuminsá ku su asignashon komo lider. El a manda un mensahe pa e rei di Amon, indikan- do ku ta Amon tabata esun ku a ataká promé ora el a kita e tera for di e israelitanan. E rei a bisa ku ta Israel a kohe e tera for di Amon. (Hue 11:12, 13) Na e okashon ei, Yefta a de- mostrá ku e no tabata djis un guerero ku no tabata sa nada. Al kontrario, e tabata un per- sona ku a studia historia i el a siña kon Dios tabata trata Su pueblo. Yefta a menshoná tres punto pa mostra ku loke Amon a bisa no ta- bata bèrdat. (1) Israel no a molestiá Amon, Moab ni Edòm. (Hue 11:14-18; Deu 2:9, 19, 37; 2Kr 20:10, 11) (2) E tera no tabata pertenesé na Amon ora e israelitanan a konkist’é. E tera tabata pertenesé na e amoreonan (kananeo- nan) i Dios a entregá Sehon, nan rei, i su tera den man di e israelitanan. (3) Amon no a kues- tioná ku e tera tabata di e israelitanan durante e último 300 añanan; pues, ki motibu bálido nan tin pa hasi esei awor?—Hue 11:19-27.

it-2-S 25 §6

Yefta

Yefta a yega na rais di e problema ora el a mostra ku henter e kos tabatin di haber ku

adorashon. El a bisa ku Yehova Dios a duna Israel e tera i pa e motibu ei nan lo no duna ni un pida chikitu di dje na hende ku ta adorá dios falsu. El a yama Kemos e dios di Amon. Algun hende ta pensa ku esaki ta un eror. Pero, aunke Amon su dios ta Milkom, i Kemos tabata un dios di Moab, tur e nashonnan ei tabata adorá hopi dios falsu. Sálomon a asta introdusí e adorashon di Kemos na Israel pa motibu di su esposanan estranhero. (Hue 11:24; 1Re 11:1, 7, 8, 33; 2Re 23:13) Ademá, segun algun eksperto, Kemos por asta nifiká un persona ku ta ‘dominá’ òf ‘konkistá.’ (Wak *Gesenius’s Hebrew and Chaldee Lexicon*, tradusí na ingles pa S. Tregelles, 1901, pág. 401.) Kisas Yefta a referí na e dios ei komo esun na ken e amonitanan a duna krédito pa ‘dominá’ òf ‘konkistá’ otro hende i tera.

Spiritual Gems

it-2-S 24

Yefta

Yefta, un yu legítimo. E mama di Yefta tabata “un prostituta,” pero esei no ke men ku Yefta tabata un yu di prostitushon òf ku e tabata un yu ilegítimo. Yefta su mama tabata un prostituta promé ku el a bira e di dos kasá di Galaad, meskos ku Rahab un tempu tambe tabata prostituta promé ku el a kasa ku Salmon. (Hue 11:1; Hos 2:1; Mat 1:5) Tin vários prueba ku ta mustra ku Yefta no tabata un yu ilegítimo. Por ehèmpel, su rumannan parti tata, di e promé kasá di Galaad, a kore kuné pa asina nan no mester a kompartí nan herensia kuné. (Hue 11:2) Mas despues, Yefta a bira lider di e hòmbènan di Galaad, entre kua e rumannan parti tata di Yefta tabata esnan mas prominente. (Hue 11:11) Ademá, el a asta ofresé sakrifisio na Dios na e tabernakel. (Hue 11:30, 31) Ningun di e kosnan ei lo no tabata posibel si Yefta tabata un yu ilegítimo, pasobra

lei ta bisa spesífikamente: “Ningun hende ku ta yu djafó [òf, yu ilegítimo] no mag drenta e asamblea di SEÑOR; ningun di su desendiente-nan, ni te na e di dies generashon, no mag drenta e asamblea di SEÑOR.”—Deu 23:2.